





11. მე-10 პუნქტით გათვალისწინებული დანაწესი (ოთხ თანაბარ წილად გადახდის შესაძლებლობა) გამოიყენება სხვა სოციალურად მოწყვლადი ჯგუფების წარმომადგენელი სტუდენტებისა და ზოგადად ყველა სტუდენტის მიმართ, რისთვისაც გადაწყვეტილებას იღებს წარმომადგენლობითი საბჭო.
12. შესაბამისი საკანონმდებლო და კანონქვემდებარე ნორმატიული აქტების თანახმად, შესაძლებლობის ფარგლებსა და ასეთი საჭიროების/მოთხოვნის შემთხვევაში, აკადემია ახდენს სასჯელადსრულების დაწესებულებაში განთავსებული მსჯავრდადებული სტუდენტის სწავლის საკითხის რეგულირებას და ამ მხრივ, აკადემია უფლებამოსილია შეიმუშაოს სასჯელადსრულების დაწესებულებაში განთავსებული სტუდენტისთვის ადაპტირებული პროგრამა.
13. აკადემიის სტუდენტთა ხელშეწყობის პროგრამა მიზნად ისახავს მაღალი აკადემიური მოსწრების მქონე სტუდენტთა უფასო სწავლებას აკადემიის საბაკალავრო საფეხურისა და შემოქმედებითი მიმართულების სამაგისტრო პროგრამებზე და ამ მხრივ, აწესებს შესაბამის კვოტებს (ფაკულტეტების მიხედვით), პროგრამის ბენეფიციართა შერჩევის პირობებსა და კრიტერიუმებს, ასევე, ითვალისწინებს სტუდენტთა პროგრამაში ჩართვის/ჩანაცვლების შესაძლებლობას.
14. სოციალურად დაუცველი ოჯახების მონაცემთა ერთიან ბაზაში რეგისტრირებულ სტუდენტებთან და სხვა სოციალურად მოწყვლადი ჯგუფების (მაგ.: შშმ და სსმ პირები, მაღალმთიან რეგიონებსა და ოკუპირებულ ტერიტორიებზე მცხოვრები პირები, საქართველოს ტერიტორიული მთლიანობისათვის და სხვა საომარ კონფლიქტებში მონაწილეები/დაღუპულთა შვილები და სხვ.) წარმომადგენელ სტუდენტებთან მიმართებით, სტუდენტთა ხელშეწყობის პროგრამით გათვალისწინებული კვოტის ფარგლებში ან მის გარეთ დამატებითი ადგილების გამოყოფით, წარმომადგენლობითი საბჭოს მიერ ყოველწლიურად შესაძლებელია მიღებულ იქნეს ცალკე გადაწყვეტილება, ხოლო აღნიშნულთან დაკავშირებით შერჩევის კრიტერიუმები (იგივე, როგორც იმავე პროგრამით არის დადგენილი ან განსხვავებული სახით) განისაზღვრება და შუამდგომლობა წარედგინება შესაბამისი ფაკულტეტის საბჭოს მიერ.
15. აკადემიის სტუდენტთათვის სტიპენდიის დანიშვნის წესი არეგულირებს სტიპენდიის გაცემასთან დაკავშირებულ საკითხებს და ამ მხრივ განსაზღვრავს სტიპენდიატთა შერჩევის პირობებსა და კრიტერიუმებს, სტიპენდიის ოდენობას, ხოლო სტიპენდიის მიღების უფლების მიღების უფლებით შეიძლება ისარგებლოს ნებისმიერმა სტუდენტმა, მათ შორის, სოციალურად მოწყვლადი ჯგუფების წარმომადგენელმა სტუდენტებმა.
16. აკადემია, თავისი შესაძლებლობის ფარგლებში და თავად აკადემიის საგანმანათლებლო პროგრამების სპეციფიკურობის გათვალისწინებით, მაქსიმალურად უწყობს ხელს პროფორიენტაციისა და კარიერული დაგეგმვის სერვისის დანერგვას/განვითარებას და ამ მხრივ, შესაძლებელია განხორციელდეს საჭირო კონსულტაცია/კომუნიკაცია შესაბამის ორგანიზაციებთან/კომპანიებთან.
17. აკადემია ხელს უწყობს სტუდენტთა სტაჟირების/პრაქტიკის განხორციელებას (მათ შორის, შემდგომში შესაძლო დასაქმების პერსპექტივით) სხვადასხვა დაწესებულებებში, ორგანიზაციებსა და კომპანიებში, მათთან გაფორმებული მემორანდუმების/ხელშეკრულებების ან/და შესაბამისი სახელმწიფო პროგრამის (ასეთის არსებობის შემთხვევაში) ფარგლებში.
18. სასწავლო პროცესის შეუფერხებლად განხორციელების მიზნით, აკადემია უზრუნველყოფს სტუდენტთა წვდომას ინტერნეტზე, ბიბლიოთეკასა და აკადემიის განკარგვაში არსებულ სხვა შესაბამის მატერიალურ-ტექნიკურ საშუალებებზე, ასევე, აკადემიის ექიმის მომსახურებას.
19. შესაძლებლობის ფარგლებში, აკადემია მაქსიმალურად უწყობს ხელს სტუდენტებს, შესაბამისი ინიციატივების, შემოქმედებითი და კვლევითი პროექტების განხორციელებაში, რაც მათთვის შესაძლოა გახდეს კარიერული დაგეგმვის ერთ-ერთი წინაპირობა.
20. სწავლის პარალელურად, აკადემია ზრუნავს სტუდენტების მონაწილეობაზე სხვადასხვა სახის ინტელექტუალურ, გასართობ, სპორტულ და სხვა ღონისძიებებში.